



МОНГОЛ УЛСЫН
ЭРҮҮЛ МЭНДИЙН САЙДЫН ТУШААЛ

2017 оны 03 сарын 09 өдөр

Дугаар А/186

Улаанбаатар хот

Журам шинэчлэн батлах тухай


Монгол Улсын Засгийн газрын тухай хуулийн 24 дүгээр зүйлийн 24.2, Монгол Улсын Яамны эрх зүйн байдлын тухай хуулийн 26.3 дахь заалт, Засгийн газрын 1997 оны 52, 53 дугаар тогтоол, "Тогтоолын хавсралтыг шинэчлэн батлах тухай" 2012 оны 142 дугаар тогтоолыг тус тус үндэслэн ТУШААХ нь:

1. "Эрүүл мэндийн яамнаас шагнал олгоход мөрдөх журам"-ыг нэгдүгээр, "Эрүүл мэндийн яамны шагналд нэр дэвшүүлэх ажилтны танилцуулгын маягт"-ыг хоёрдугаар, "Эрүүл мэндийн яамны шагналд нэр дэвшүүлэх ажилтны жагсаалтын маягт"-ыг гуравдугаар, "Байгууллагын ажилтны шагналын судалгааны маягт"-ыг дөрөвдүгээр, "Эрүүлийг хамгаалахын тэргүүний ажилтан" хүндэт тэмдгийн загварыг тавдугаар, Яамны "Хүндэт дэвтэр"-ийн тодорхойлолт, Хүндэт дэвтэрт бичигдсэн тухай дурсгалын гэрчилгээний тодорхойлолт, загварыг зургаадугаар, Яамны "Жуух бичиг"-ийн загварыг долоодугаар хавсралтаар тус тус баталсугай.

2. Энэхүү тушаал гарсантай холбогдуулан Эрүүл мэнд, спортын сайдын 2016 оны 206 дугаар тушаалыг хүчингүй болсонд тооцсугай.

3. Энэхүү тушаалыг хэрэгжүүлж ажиллахыг Төрийн захиргааны удирдлагын газар /Д.Оюунчимэг/-т даалгасугай.

САЙД



А.ЦОГЦЭЦЭГ

080514

Эрүүл мэндийн сайдын
2017 оны 03 сарын 09 ны өдрийн
А. дугаар тушаалын 1 дүгээр
хавсралт



ЭРҮҮЛ МЭНДИЙН ЯАМНААС ШАГНАЛ ОЛГОХОД МӨРДӨХ ЖУРАМ

Нэг. Нийтлэг үндэслэл

1.1. Монгол Улсын эрүүл мэндийн салбарыг хөгжүүлэх, хүн амын эрүүл мэндийг сахин хамгаалах онцгой амжилт гаргасан салбарын ажилтан ажилчид, эрүүл мэндийн салбарыг дэмжигч төр нийгмийн зүтгэлтэн, аж ахуйн нэгж байгууллагын удирдах ажилтан, бизнесийн төлөөллийг Засгийн газрын болон Эрүүл мэндийн яамны шагнал (цаашид “шагнал” гэх)-аар шагнахад энэхүү журмыг мөрдөнө

Хоёр. Шагналын төрөл

2.1. Шагнал нь Засгийн газрын 1997 оны 52, 53 дугаар тогтоолд заасны дагуу дор дурдсан төрөлтэй байна.

2.1.1. Засгийн газрын шагнал:

- “Эрүүлийг хамгаалахын тэргүүний ажилтан” хүндэт тэмдэг;

2.1.2. Эрүүл мэндийн яамны шагнал:

- Яамны “Хүндэт дэвтэр”-т бичиж дурсгалын гэрчилгээ олгох;
- Яамны “Жуух бичиг”-ээр шагнах.

Гурав. Шагнал олгох болзол

3.1. Шагналыг шат дараалан, давхардуулахгүйгээр олгох бөгөөд ажлын амжилт, бүтээл нь өмнөх түвшингээс ахисан нөхцөлд дараагийн шагналд нэр дэвшүүлнэ. Онцгой гавъяа байгуулсан тохиолдолд Эрүүл мэндийн сайдын шийдвэрээр шагналыг болзол харгалзахгүйгээр олгож болно.

3.2. Эрүүл мэндийн байгууллага нь энэхүү журмын 3.5, 3.6, 3.8-д заасан болзол хангасан ажилтанг дараахь хяналтын тооноос хэтрүүлэхгүйгээр шагналд нэг удаад нэр дэвшүүлнэ: Хяналтын тоог ажиллагсдын 0,5 хувиас хэтрүүлэхгүй байвал зохино.

3.3. Аймаг, нийслэлийн Эрүүл мэндийн газар, яамны харьяа байгууллагууд энэхүү журмын 3.5, 3.6, 3.8-д заасан болзол хангасан ажилтанг нийт ажиллагсдын 0,5 хувиас хэтрүүлэхгүйгээр шагналд нэг удаад нэр дэвшүүлж Эрүүл мэндийн яаманд уламжилна:

3.4. “Эрүүлийг хамгаалахын тэргүүний ажилтан” хүндэт тэмдгийг бусад салбарын “Тэргүүний ажилтан” хүндэт тэмдэгтэй давхардуулан олгохгүй байх зарчмыг баримтална.

3.5. “Эрүүлийг хамгаалахын тэргүүний ажилтан” хүндэт тэмдгээр эрүүл мэндийн ажилтанг шагнахдаа дор дурьдсан болзлыг харгалзан үзнэ:

- 3.5.1. төрийн албан хаагчийн болон эмнэлгийн мэргэжилтний ёс зүйн хэм хэмжээг баримтлан ажиллаж ёс зүйн зөрчил, мэргэжлийн алдаа, дутагдал гаргаагүй;
- 3.5.2. ажил мэргэжлийн ур чадвар, үйл ажиллагаа, мэргэжлийн түвшингээр бусад ажилтанг манлайлан ажилласан;
- 3.5.3. Яамны “Жуух бичиг”-ээр шагнагдаад 5-аас доошгүй жил үр бүтээлтэй ажилласан.

3.6. Яамны “Хүндэт дэвтэр”-т эрүүл мэндийн салбарт тогтвортой, үр бүтээлтэй ажиллаж, “Монгол Улсын баатар”, “Монгол Улсын Хөдөлмөрийн баатар”, “Монгол Улсын Ардын эмч”, “Монгол Улсын Хүний Гавьяат эмч”, “Монгол Улсын Эрүүлийг хамгаалахын гавьяат ажилтан” хүндэт цол, “Монгол Улсын Төрийн шагнал” хүртсэн хүмүүсийн нэрийг бичиж, дурсгалын гэрчилгээ олгоно.

3.7. Яамны “Жуух бичиг”-ээр ажилтанг шагнахдаа дор дурьдсан болзлыг харгалзан үзнэ:


- 3.7.1. төрийн албан хаагчийн болон эмнэлгийн мэргэжилтний ёс зүйн хэм хэмжээг баримтлан ажиллаж ёс зүйн зөрчил, мэргэжлийн алдаа, дутагдал гаргаагүй;
- 3.7.2. ажил мэргэжлийн ур чадвар, үйл ажиллагаа, мэргэжлийн түвшингээр бусад ажилтанг манлайлан ажилласан;
- 3.7.3. хариуцсан ажлын үзүүлэлт сүүлийн 3-5 жилд улс, хот, аймгийн дундаж түвшингээс дээш байсан;
- 3.7.4. эрүүл мэндийн салбарт 10-аас (сум, багт 5-аас) доошгүй жил ажилласан.

Дөрөв. Шагналд нэр дэвшүүлэх, уламжлах

4.1. Шагналыг жил бүрийн Дэлхийн эмч нарын өдөр, Олон улсын эх баригч, сувилагчдын өдөр, Эрүүл мэндийн салбарын ажилтны өдөр, Үндэсний эрх чөлөө, тусгаар тогтнолоо сэргээсний баярыг тохиолдуулан олгоно. Мөн эрүүл мэндийн байгууллагын 50-аас дээшхи 10 жил тутмын тэмдэглэлт тэгш ойг тохиолдуулан шагнаж болно.

4.2. Төрийн захиргааны төв байгууллагын шийдвэргүй эмнэлгийн байгууллагын ой, алба, тасаг нэгж, Засаг, захиргааны нэгжийн ой, салбарын бус байгууллагын ойгоор шагнал урамшуулал олгохгүй.

4.3. Шагналд нэр дэвшүүлэх санаачлагыг үндсэн байгууллага (улсын болон хувийн хэвшлийн эрүүл мэндийн байгууллага)-ын хамт олон гаргаж, хурлаар хэлэлцэнэ. Хамт олны хурлын ирцэд нэр дэвшигчийн харьяалагдаж буй нэгжийн хамт олны 80-аас доошгүй хувь байх шаардлагатай бөгөөд хуралд оролцогсдын 90-ээс доошгүй хувь нь шагналд нэр дэвшүүлэхээр зөвшөөрвөл хурлын тэмдэглэлийг баталгаажуулан, байгууллагын захиргаанд уламжилна.



4.4. Байгууллагын захиргаа шагналд нэр дэвшигчийн талаар Эмнэлгийн мэргэжилтний Ёс зүйн салбар хорооны саналыг авсны үндсэн дээр Захирлын зөвлөлийн хурлаар хэлэлцэж, дэмжсэн тохиолдолд тодорхойлолт гаргах бөгөөд байгууллагын дарга тодорхойлолтонд гарын үсэг зурж, тамга дарна.

4.5. Байгууллагын хүний нөөцийн асуудал хариуцсан албан тушаалтан энэхүү журмын 4.6, 4.7-д заасан баримт бичгүүдийг бүрдүүлж, шагналд нэр дэвшүүлэх ажилтны жагсаалтыг энэхүү тушаалын гуравдугаар хавсралтаар батлагдсан маягтын дагуу нэгтгэн гаргаж харьяалах аймаг, нийслэлийн Эрүүл мэндийн газарт журмын 4.1-д заасан тэмдэглэлт өдөр болохоос 45-аас доошгүй хоногийн өмнө албан бичгээр уламжилна.


4.6. Аймаг, нийслэлийн Эрүүл мэндийн газар, яамны харьяа байгууллагын хүний нөөцийн мэргэжилтэн шагналд нэр дэвшигчдийн бичиг баримтын бүрдэлт, үнэн зөв байдал, хяналтын тоонд багтсан эсэхийг нягтлан үзэж, нэгтгэсний үндсэн дээр Даргын дэргэдэх зөвлөлийн хурлаар хэлэлцүүлэх бөгөөд дэмжигдсэн ажилтнуудын жагсаалтыг энэхүү тушаалын гуравдугаар хавсралтаар батлагдсан маягтын дагуу гаргаж журмын 4.7-д заасан баримт бичгийн хамт цахим буюу цаасан хэлбэрээр журмын 4.1-д заасан тэмдэглэлт өдөр болохоос 30-аас доошгүй хоногийн өмнө Эрүүл мэндийн яамны Төрийн захиргааны удирдлагын газарт ирүүлнэ.

4.7. Шагналд нэр дэвшүүлж тодорхойлохдоо дор дурдсан баримт бичгийг бүрдүүлнэ:

- 4.7.1. Байгууллагын хамт олны хурлын албан тэмдэглэл;
- 4.7.2. Ажил байдлын тодорхойлолт /ажлын үр дүн, шинэ бүтээл, санаачилсан тэргүүн туршлага зэргийг тооцоо судалгаатай, тоон үзүүлэлттэй/;
- 4.7.3. Эмнэлгийн мэргэжилтний Ёс зүйн салбар хорооны санал /эмнэлгийн мэргэжилтэнд хамаарна/;
- 4.7.4. Урьд шагнагдсан бол түүний хуулбар;
- 4.7.5. Онцгой амжилт гаргасан бол түүнийг гэрчлэх баримт бичиг, шийдвэрийн хуулбар;
- 4.7.6. Шагнуулах тухай байгууллагын даргын гарын үсэгтэй албан бичиг;
- 4.7.7. Шагнуулах тухай харьяалах аймаг, нийслэлийн Эрүүл мэндийн газрын болон шууд харьяа байгууллагын даргын гарын үсэгтэй албан бичиг;
- 4.7.8. Харьяалах аймаг, нийслэлийн Эрүүл мэндийн газрын Даргын дэргэдэх зөвлөлийн хурлын тэмдэглэл, шийдвэр.

4.7.9. Тэтгэвэрт гарсан өндөр настны материалд хөдөлмөрийн дэвтрийн хуулбарыг заавал хавсаргана;

4.7.10. Энэхүү тушаалын гуравдугаар хавсралтаар батлагдсан танилцуулгын маягт /цахим хэлбэрээр/;



4.8. Шагналтай холбоотой баримт бичгийг энэхүү журмын 4.7-д заасны дагуу бүрдүүлээгүй, хугацаа хожимдуулж ирүүлсэн тохиолдолд Эрүүл мэндийн яамны Төрийн захиргааны удирдлагын газар тухайн аймаг, нийслэлийн Эрүүл мэндийн газар, яамны харьяа байгууллагад баримт бичгийг буцаана.

4.9. Шагналтай холбоотой баримт бичгийг хуурамчаар бүрдүүлсэн тохиолдолд шагнал олгохгүй ба тухайн ажилтанг дараагийн 3 жилд аливаа нэг шагналд нэр дэвшүүлэхгүй байвал зохино.

Тав. Шагнах асуудлыг шийдвэрлэх

5.1. Эрүүл мэндийн яамны Төрийн захиргааны удирдлагын газрын шагнал урамшууллын асуудал хариуцсан мэргэжилтэн холбогдох байгууллагаас шагналд нэр дэвшүүлж ирүүлсэн баримт бичгийг хүлээн авч хянаж, энэхүү журмын 3.5, 3.6, 3.8-д заасан болзлыг хангасан ажилтнуудын нэрсийг холбогдох газар, хэлтсийн дарга, Төрийн нарийн бичгийн даргад танилцуулж, өгсөн саналыг тусган зөвшөөрсний дараа, дүгнэлтийг Эрүүл мэндийн сайдад танилцуулах ба шагнах асуудлыг Эрүүл мэндийн сайдын тушаал гаргаж шийдвэрлэнэ.

5.2. Яамны "Хүндэт дэвтэр"-т бичих шийдвэрийн төслийг Эрүүл мэндийн яамны Төрийн захиргааны удирдлагын газрын шагнал урамшууллын асуудал хариуцсан мэргэжилтэн боловсруулж, Төрийн нарийн бичгийн даргад танилцуулах ба Төрийн нарийн бичгийн даргын тушаал гаргаж шийдвэрлэнэ.


5.3. "Эрүүлийг хамгаалахын тэргүүний ажилтан", Яамны "Хүндэт дэвтэр"-т бичигдсэн тухай гэрчилгээ, Яамны "Жуух бичиг"-т хувийн дугаарыг бичих ба шагнагдсан ажилтнуудын хүндэт тэмдэг, үнэмлэх, "Жуух бичиг"-ийг харьяалах аймаг, нийслэлийн Эрүүл мэндийн газар, Яамны харьяа байгууллагын хүний нөөцийн мэргэжилтэнд хүлээлгэн өгнө.

Зургаа. Шагнал гардуулах, мэдээлэх

6.1. "Эрүүлийг хамгаалахын тэргүүний ажилтан" хүндэт тэмдгийг үнэмлэхийн хамт, яамны "Жуух бичиг"-ийг Эрүүл мэндийн сайд болон Эрүүл мэндийн яамны удирдах ажилтнууд, орон нутагт аймаг, нийслэлийн эрүүл мэндийн байгууллагын дарга, эмнэлгийн удирдлага ёслол төгөлдөр гардуулна.

6.2. Яамны "Хүндэт дэвтэр"-т бичигдсэн тухай гэрчилгээг тухайн шагнагдсан ажилтанд Эрүүл мэндийн сайд, Эрүүл мэндийн сайдын эзгүйд Дэд сайд яамны ёслолын танхимд ёслол хүндэтгэлтэйгээр гардуулна.

6.3. Засгийн газраас тогтоосон дагалдах мөнгөн шагнал ("Эрүүлийг хамгаалахын тэргүүний ажилтан" хүндэт тэмдэг 100.000 төгрөг, "Жуух бичиг" 30.000 төгрөг)-ыг тодорхойлсон байгууллага, яамны "Хүндэт дэвтэр"-т бичигдсэн тухай гэрчилгээ, амьд цэцгийн баглааны зардлыг Эрүүл мэндийн яам хариуцна. Гадаадын иргэнд дагалдах мөнгөн шагнал олгохгүй.



6.4. Шагналаар шагнасан, гардуулсан тухай хэвлэл мэдээллийн хэрэгслээр мэдээлж болно.

Долоо. Хүндэт тэмдэг, үнэмлэхийг нөхөн болон сольж олгох

7.1. Хүндэт тэмдэг, үнэмлэх, гэрчилгээ, "Жуух бичиг"-ийг үрэгдүүлсэн, гэмтээсэн тохиолдолд нөхөн болон сольж олгож болох ба дараахь материалыг бүрдүүлэн Эрүүл мэндийн яамны Төрийн захиргааны удирдлагын газарт уламжилна:

- 7.1.1. үрэгдүүлсэн, гэмтээсэн нөхцөл шалтгааныг тодорхой бичсэн хүсэлт бүхий өргөдөл;
- 7.1.2. иргэний үнэмлэхний хуулбар;
- 7.1.3. үнэмлэх, "Жуух бичиг"-ийг хүчингүй болгож зарлуулсан баримт;
- 7.1.4. шагнасан шийдвэрийн хуулбар;
- 7.1.5. гэмтсэн зүйлс.

7.2. Эрүүл мэндийн яамны Төрийн захиргааны удирдлагын газрын шагнал урамшууллын асуудал хариуцсан мэргэжилтэн өргөдлийг хянаж үзээд хүндэт тэмдэг, үнэмлэх, гэрчилгээ, "Жуух бичиг"-ийг нөхөн болон сольж олгох үндэслэлтэй гэж үзвэл хэвлүүлсэн зардлыг 3 нугалсан хэмжээний төлбөрийг холбогдох байгууллага, иргэнээс Эрүүл мэндийн яамны дансанд шилжүүлсний дараа олгоно.

Найм. Шагналын мэдээллийн сан


8.1. Эрүүл мэндийн яам нь шагнагдсан ажилтнуудын цахим мэдээллийн сантай байна. Санг шагналын төрөл, орон нутаг, байгууллага, оноор төрөлжүүлэн бүрдүүлнэ.

8.2. Мэдээллийн сангийн бүрдүүлэлт, баяжилт хөдөлгөөнийг Эрүүл мэндийн яамны Төрийн захиргааны удирдлагын газрын шагнал урамшууллын асуудал хариуцсан мэргэжилтэн хариуцна.

8.3. Аймаг, нийслэлийн Эрүүл мэндийн газар, яамны харьяа байгууллагууд нь ажилтнуудын шагналын бүртгэл, мэдээллийн сантай байх ба байгууллагын хүний нөөцийн менежер шинээр шагнагдсан ажилтнуудын шагналын судалгааг энэхүү тушаалын дөрөвдүгээр хавсралтаар батлагдсан маягтын дагуу шинэчилж, жил бүрийн 6, 12 дугаар сарын 15-ны дотор Эрүүл мэндийн яамны Төрийн захиргааны удирдлагын газарт цахим хэлбэрээр ирүүлнэ.

Ес. Хариуцлага

9.1 Шагналтай холбоотой бичиг баримтыг хуурамчаар бүрдүүлж ирүүлсэн байгууллагын дарга, холбогдох албан тушаалтны асуудлыг Төрийн нарийн бичгийн даргын дэргэдэх “Удирдлагын зөвлөл”-ийн хурлаар хэлэлцүүлж, зохих хариуцлагыг хүлээлгэнэ.




----- 000 -----

Эрүүл мэндийн сайдын
2017 оны 03 сарын 09-ны өдрийн
А/ дугаар тушаалын 2 дугаар
хавсралт



**Эрүүл мэндийн яамны шагналд нэр дэвшүүлэх
ажилтны танилцуулгын маягт**

1. Ургийн овог _____
2. Эцэг/эхийн нэр _____
3. Өөрийн нэр _____
4. Регистрийн дугаар _____
5. Нас, хүйс _____
6. Яс үндэс _____
7. Боловсрол _____



8. Үндсэн захиргаа _____

9. Урьд эрхэлж байсан ажил (оны дарааллаар):

10. Одоо эрхэлж байгаа ажил, албан тушаал:

11. Нийт ажилласан жил — _____

12. Үүнээс тухайн хамт олны дотор _____

13. Урьд нь авч байсан гавьяа шагнал (оны дарааллаар, яамны "Жуух бичиг" ээр шагнагдсан бол хуулбарыг заавал хавсаргана).



14. Горилж буй шагналын нэр _____

15. Шагнуулах үндэслэл /тодорхой бичнэ/

16. Тухайн хүний ажлын үндсэн үзүүлэлтийг хүснэгтээр гаргаж хавсаргана.
(сүүлийн 5 жилээр харьцуулан, дэлгэрэнгүй бичнэ)

17. Хамт олны саналын хувь _____

Анкетыг баталгаажуулсан:

Хүний нөөцийн менежер _____ /Нэр/
Гарын үсэг

Огноо:

Эрүүл мэндийн сайдын
2017 оны 03 сарын 09-ны өдрийн
А/ дугаар тушаалын 3 дугаар
хавсралт



ЭРҮҮЛ МЭНДИЙН ЯАМНЫ ШАГНАЛД НЭР ДЭВШҮҮЛЭХ
АЖИЛТНЫ ЖАГСААЛТЫН МАЯГТ*

а/ Салбарын тэргүүний ажилтан хүндэт тэмдгээр

№	Овог нэр	Нас, хүйс	Регистерийн дугаар	Ажилласан жил	“Жуух бичиг”-ээр шагнагдсан тушаалын огноо, дугаар	Эрхэлж байгаа албан тушаал	Бүрдүүлсэн материалын жагсаалт
1							
2							
3							

б/ Яамны “Жуух бичиг”-ээр шагнагдах хүмүүс


№	Овог нэр	Нас, хүйс	Регистерийн дугаар	Ажилласан жил	Эрхэлж байгаа албан тушаал	Бүрдүүлсэн материалын жагсаалт
1						
2						
3						

*Маягтыг бөглөхдөө үсгийн хэлбэр “Ариал”, үсгийн хэмжээ “12”-ыг ашиглана.

*Шагналд нэр дэвшүүлэх ажилтны жагсаалтыг шагналын төрөл /Эрүүлийг хамгаалахын тэргүүний ажилтан, Жуух бичиг/-өөс хамаарч маягтын дагуу тус, тусад нь гаргана.

*Энэ хүснэгтийг аймаг, нийслэлийн Эрүүл мэндийн газар, яамны харьяа байгууллагууд гаргаж цахим хэлбэрээр, софтоор ирүүлнэ.

Эрүүл мэндийн сайдын
2017 оны 03 сарын 09-ны өдрийн
А/86 дугаар тушаалын 4 дүгээр
хавсралт



..... АЙМГИЙН ЭРҮҮЛ МЭНДИЙН
ГАЗАР, /ЯАМНЫ ХАРЬЯА БАЙГУУЛЛАГА-Т
АЖИЛЛАГСДААС 201 ОНД
ТӨРИЙН ДЭЭД ЦОЛ, ОДОН МЕДАЛИАР
ШАГНАГДСАН ХҮМҮҮСИЙН СУДАЛГАА

№	Овог нэр	Нас, хүйс	Ажил ласан жил	Албан тушаал	Шагнагдсан төрийн дээд цол, одон медалийн нэр, зарлигийн огноо, дугаар
1					
2					
3					
4					
5					


*Энэхүү судалгааг жил бүрийн 12 дугаар сарын 31-ний байдлаар Яамны харьяа байгууллагууд болон аймаг, нийслэлийн Эрүүл мэндийн газар нэгтгэн гаргаж албан тоотоор, цахим хэлбэрээр ирүүлнэ.

* Судалгаанд зөвхөн Монгол улсын Ерөнхийлөгчийн зарлигаар /Хөдөлмөрийн баатар, Ардын болон гавьяат зүтгэлтэн, Сүхбаатарын одон, Хөдөлмөрийн гавьяаны улаан тугийн одон, Алтан гадас одон, Хөдөлмөрийн хүндэт медалиар/ шагнагдсан хүмүүсийг хамруулна.

**Шагнагдсан зарлигийн огноо, дугаарыг заавал бичнэ.

* Маягтыг бөглөхдөө үсгийн хэлбэр "Ариал", үсгийн хэмжээ "12"-ыг ашиглана.

Эрүүл мэндийн сайдын
2017 оны 03 сарын 29-ны өдрийн
А/ дугаар тушаалын 5 дугаар
86 хавсралт



“ЭРҮҮЛИЙГ ХАМГААЛАХЫН ТЭРГҮҮНИЙ АЖИЛТАН” ХҮНДЭТ ТЭМДГИЙН ЗАГВАР

“Эрүүлийг хамгаалахын тэргүүний ажилтан” хүндэт тэмдэг нь ромбо хэлбэртэй, эргэн тойрон алхан хээ бүхий цагаан хүрээтэй, уг хүрээнийхээ оройд соёмботой, ромбын дунд хэсэгт нь Монгол Улсын төрийн далбааны дэвсгэр дээр хундага ороосон могойг алтлаг өнгөөр дүрсэлсэн, тэмдгийн доод хэсгийг ороосон алтлаг шар өнгийн туузан дэвсгэр дээр “Эрүүлийг хамгаалахын тэргүүний ажилтан” гэж монгол үсгээр бичсэн байна. Тэмдгийн урт нь 40.0 мм, өргөн нь 26.0 мм, зузаан нь 2.5 мм байна.

“Тэргүүний ажилтан” хүндэт тэмдгээр шагнагдагсдад хувийн дугаар бүхий үнэмлэх олгоно.

ҮНЭМЛЭХНИЙ ЗАГВАР

Үнэмлэх нь 95x140 мм-ийн хэмжээтэй голоор нь нугалж, зүүн талд нь тухайн тэмдэгний зураг, дугаарыг байрлуулж баруун талд нь:

..... овогтой
..... Танаа

Хүн амын эрүүл мэндийг хамгаалах үйлсэд оруулсан хувь нэмрийг тань үнэлж Эрүүл мэндийн сайдын оны дугаар сарын ... өдрийн тоот тушаалаар Засгийн газрын шагнал “Эрүүлийг хамгаалахын тэргүүний ажилтан” хүндэт тэмдгээр шагнаж үнэмлэх олгов.

МОНГОЛ УЛСЫН
ЭРҮҮЛ МЭНДИЙН САЙД...../нэр/

... он сар өдөр
Улаанбаатар

гэсэн бичээстэй, гадуураа тэмдгийн зураг бүхий улаан өнгийн хавтастай байна.

Эрүүл мэндийн сайдын
2017 оны 03 сарын 09-ны өдрийн
N дугаар тушаалын 6 дугаар
хавсралт

ЯАМНЫ ХҮНДЭТ ДЭВТРИЙН ТОДОРХОЙЛОЛТ

Хүндэт дэвтэр нь хатуу хавтастай, хавтасны өнгө нь улаан, хавтасны гадна дээд хэсгийн голд Төрийн сүлдтэй, сүлдний доод талд “Хүндэт дэвтэр” гэж монгол үсгээр алтан шаргал өнгөөр бичсэн байна.

Хүндэт дэвтрийн доторхи хуудаснуудыг өлзий утсан хээтэй нимгэн хатуу цаасаар хийж, дээд хэсгийн голд нь “Хүндэт дэвтэр”-т бичигдсэн хүний 9x12 хэмжээний фото зургийг байрлуулсан байна.

Зургийн доод хэсэгт тухайн хүний байгуулсан гавьяа, эрүүл мэндийн салбарт оруулсан хувь нэмэр, ажлын амжилтыг бэхээр цэвэр үзэмжтэй бичиж, “Хүндэт дэвтэр”-ийн дурсгалын гэрчилгээ олгосныг тэмдэглэнэ.

“Хүндэт дэвтэр”-ийг цахим хэлбэрээр бүрдүүлэн ашиглаж болно.

ДУРСГАЛЫН ГЭРЧИЛГЭЭНИЙ ТОДОРХОЙЛОЛТ, ЗАГВАР

Хүндэт дэвтэрт бичигдсэн тухай дурсгалын гэрчилгээг А4 хэмжээний хатуу, алтлаг өнгийн цаасан дээр гоёмсог өлзий утсан хүрээ бүхий цагаан дэвсгэр дээр доорх загвараар хэвлэнэ:

МОНГОЛ УЛСЫН ЭРҮҮЛ МЭНДИЙН ЯАМ
Төрийн соёмбо

ХҮНДЭТ ДЭВТРИЙН ГЭРЧИЛГЭЭ

Дугаар


..... овогтой
..... Танаа

Хүн амын эрүүл мэндийг сахин хамгаалах үйлсэд Таны оруулсан хувь нэмэр, гавьяа зүтгэлийг үнэлж салбарын түүхэнд тэмдэглэн Эрүүл мэндийн яамны “Хүндэт дэвтэр”-т бичиж гэрчилгээ олгов.

МОНГОЛ УЛСЫН
ЭРҮҮЛ МЭНДИЙН САЙД...../нэр/

... он сар өдөр
Улаанбаатар

Эрүүл мэндийн сайдын
2017 оны 03 сарын 02 ны өдрийн
А/ дугаар тушаалын 7 дугаар
хавсралт



”ЖУУХ БИЧИГ”-ИЙН ЗАГВАР

”Жуух бичиг” нь 220x315 мм-ийн хэмжээтэй улаан хүрэн өнгийн хавтастай байх бөгөөд хавтасны нүүрэн талын дээд хэсэгт ”Эрүүл мэндийн яам”, гол хэсэгт Төрийн сүлд, түүний доод хэсэгт ”Жуух бичиг” гэсэн үгийг монгол үсгээр хэвлэнэ.

”Жуух бичиг”-ийн доторхи хуудас нь 210x297 хэмжээтэй, голоор нь нугалж, зүүн талд соёмбо, жуух бичгийн хувийн дугаарыг байрлуулж баруун талд нь:

..... овогтой
..... Танаа

Хүн амын эрүүл мэндийг хамгаалах үйлсэд идэвхи зүтгэл, үр бүтээлтэй ажиллаж, төр засгийн бодлогыг хэрэгжүүлэхэд оруулсан хувь нэмрийг тань үнэлж, Эрүүл мэндийн сайдын ... оны ... дугаар сарын ны өдрийн ... тоот тушаалаар Эрүүл мэндийн яамны “Жуух бичиг”-ээр шагнав.

МОНГОЛ УЛСЫН
ЭРҮҮЛ МЭНДИЙН САЙД...../нэр/

... он сар өдөр
Улаанбаатар

гэж бичнэ.

----- 000 -----